

1. Proposta de produción

- **Xénero:** reportaxe escrita. Trátase de ampliar e matizar unha noticia real próxima e en relación cos intereses do alumnado, traballando a distinción entre información e opinión, así como a construción dun texto xornalístico de certa complexidade.
- **Destinatarios:** compañeiros/as e público en xeral.
- **Lugar de publicación:** xornal dixital – exposición no centro ou noutro espazo público.
- **Algúns modelos auténticos:** [Esta polémica vai en botella](#), [Galicia apúntase á vida a lume lento](#), [varios na revista de R](#), [Eu dialogo](#), [Irmandiños: A revolta](#), [A Revista](#).

2. Itinerario mínimo

Introdución.

- Clasificación de textos xornalísticos audiovisuais atractivos de distintos xéneros (especialmente reportaxes e noticias) para chegar a facer explícitos os criterios seguidos.
- Partilla e definición do proxecto e mais da avaliación.

Traballo coa información.

- Escolla da noticia da que se vai partir, análise das súas características e mais determinación dos aspectos que cumpriría ampliar.
- Procura e selección de información en diferentes fontes *publicadas*. Xeneralización e síntese; reformulación e cita.
- Incorporación de fontes *propias*. Achegamento aos trazos da enquisa (ou entrevista), composición do guión e da ficha para a recolleita de datos, análise dos resultados e presentación.

Traballo co xénero.

Abordaxe das características do xénero (V. punto 3).

Produción.

- a) Planificación da escrita. Revisión do tema, escolma das diferentes fontes, organización dos contidos nun esquema acorde coa estrutura do xénero.
- b) Textualización. Composición do borrador a partir do esquema, seguindo a orde:

Corpo

Aspecto 1 → datos – cita – valoración

Aspecto 2 → datos – cita – valoración

...

Inicio e peche

Entrada (resumo) e titular

Imaxes con pé (e posíbel gráfica a partir dos datos)

- c) Revisión. Mellora do borrador.

Publicación.

Auto e coavaliación. Avaliación do proxecto.

Apoios precisos: serie de ligazóns, fichas para a análise, folla de control para a procura e selección de información, así como para a redacción do borrador, guía para a revisión, ficha de avaliación...

3. Destrezas que esixe o xénero

- Recoñecer a linguaxe obxectiva e a valorativa. Empregar recursos de modalización.
- Organizar tematicamente o corpo, atendendo aspectos clave.
- Elaborar unha síntese da información.
- Coñecer e usar os recursos para enunciado o titular, captar a atención, citar, conseguir a amenidade e mais pechar.
- Adecuarse ao formato do xénero.
- ...

Algunhas actividades posíbeis: localización de recursos; escolla e incorporación de recursos; contraste entre reportaxes con distintas fórmulas de inicio e peche; titulado de apartados dados; recolleita e mellora de citas en varios textos; ordenación de fragmentos dunha reportaxe segundo a estrutura....

Apoios: serie de recursos, listaxe de fórmulas textuais...

4. Contidos de reflexión lingüística

- Estilo directo e indirecto.
- Os tempos verbais.
- A cohesión textual.
- Os niveis e rexistros lingüísticos.
- ...

Algunhas actividades posíbeis: clasificación, segundo funcións, de organizadores textuais e achega doutros equivalentes; cambio de estilo; identificación de tempos e valores...